

اداره خانه سی :

بازید جامع شریفی تریه قاپسی  
قارشینده

دینی، علمی، ادبی، اجتماعی

مرکز تویمی :

باب عالی جاده سنده ( اتحاد  
تجارت ) کتبخانه سی

# مخمس

۱۳۳۸

اسلامك نفعنه

سراط مخبر: خادم یازیلر

مع التشر قبول ونشر اولنور. یازانك

شخصیتی دكل، یازینك ماهیتی نظر دقته

آلینیر. کوندریله جك آثار او قوناقلی

و مختصرجه یازیلش اولمالیدر. کلن

یازیلردن شایان قبول کورولنلر تاریخ

صیراسیله درج ایدیلیر .

صاحبی، مدیری، محرری :

علاوه سی لازمدر .

هرسنه نك برنجی

سراط استر: و ایکنجی آلتی

آیاغندن اعتباراً آتونه قید اولونور.

سنه لکی پوسته اجرتیه برابر

۱۰۰، الی آیلغی: ۵۰. غروشدر.

ممالك اخنییه ایچین ۱۰۲۰ غروش

فی: غروش

۱۰

صفر

۱۳۴۳



جلد

۵

عدد

۵۲

زیرا بو ، طوری مولی بالذات ایدر اِناره  
 فخر ایتسه حق واردر غیرِ مکوناته  
 الحق اومدفن اولمش محبوب کردکاره  
 براعتلا صایلماز عرش برینه چیمق  
 علویت حقیقی یوز سورمه اول مزاره  
 ای قدسیانه، قبله، عشاقه جای قبله  
 آرامگاه سنسک مشتاق بی قراره ؛  
 جسم نه در که اولسون یازک آیق ترابی  
 روحمده اولسه هیچدر مفروش اورهکنذاره  
 ورد لقای پاک ویردی صفای قدسی  
 کلدی هزار نشئه طبع دل هزاره !  
 ای عالمینه رحمت ، سر آشنای وحدت  
 قوللق ، بویوک سعادت سن شاه کامکاره  
 عالمفدای عشق قربانه میل ایدرمی  
 هر دم ربیع حسنک حاجتمی قور بهاره  
 نورجاله نسبت، مهتاب ضانکه شتاب  
 مهر وصاله نسبت خورشید برشراره  
 بابوسه ایرمدکجه ، جانانی کوژمدکجه  
 ایتمز قبول مرهم روحده در بویاره  
 ای قربگاه یزدان، محبوب لامکانشان  
 شوقکله قلب وحی هر لحظه یاره یاره  
 بن دردمند زارم : غایت کنهاکارم  
 سندن امید وارم کافی بکا بوچاره  
 رجب و صبی

محفل ادبی

شهید کربلایه :

ای سریر ابتلایه شاه بی افسر حسین  
 سر فدايان طریق قربته سرور حسین  
 بویله یاد ایلر سنی قلب المپور حسین  
 نجل زهرا ، شبل حیدر ، سبط پیغمبر حسین

حلم ، سلیم ، مکرم ، ملتفت ، الحاصل بالجمله  
 محاسن ایلله متحلی ایدی . پدر اکرمترینک ادرنه  
 قیوسی خارچنده ابن کمال حضرتلرینک قبرلری  
 جوارنده کی مدفن اتصالنده آسوده نشین رحمتدر .  
 عالم وفاضل ایدی حضرت احمدشکری  
 عارف وکامل ایدی حضرت احمدشکری  
 فقه وفتوی و تصوفده سرافراز اولدی  
 علم ایلله عامل ایدی حضرت احمدشکری  
 واقف علم لدن صاحب ترتیب ایدی او  
 عزله مائل ایدی حضرت احمدشکری  
 آکا تاریخ وفات اولدی ( فیوض تامه ) ۱۳۴۲  
 وصلته نائل ایدی حضرت احمدشکری  
 حسین و صاف

رجب وحی

( مابعد )

رجب وحینک کندی ایلله یازلمش منظوم  
 بر ( معراجیه ) سنی او قودم که حقیقه برشعر  
 بدیعه سیدر . بوندن باشقه برده یوقاریده سویلدیکم  
 بر ( تفسیر فنی ) یازینوردی که باصیلسه ایدی بتون  
 دنیاده تورکک قیمت علمیه سنی آرتیراجق معظم  
 بر اثر اوله جقدی . بونلرک دیکرلری کی هدر  
 ایدلمش اولماسنی بتون قلبلمه تمی ایدرم .  
 مشارالیهک ( روضه مطهره ) سنی وسیله رحمت  
 اولوق اوزره تبرکاً آشاغیه نقل ایدیورم :

محی الدنمی

روضه مطهره

یارب بنی قاووشدر دارالسلام یاره  
 روحده اشتیاق چوقدر اوخلدزاره  
 یوق یوق خطا ؛ بوجنت رشک آور جاندر  
 برذره خاکی ارحج بیگ در شاهواره  
 سینای پرتجلا مظلم بونک یاننده